

Josef Dubach  
**Häb chli Freud**

(?-Dur) (2 st. Jodel)

**'s git viel** Chummer uf dr Wält,  
niemer cha meh härzhaft lache.  
D'Schuld isch meiste ds liebe Gäld  
wo üs tuet viel Sorge mache.  
Drum wett i mis Liedli singe,  
wett chli Fröid i d'Härze bringe.  
Drum wett i mis Liedli singe,  
wett chli Fröid i d'Härze bringe.

**'s isch doch** schön, dass' Lieder  
git wo üs Mönsche chö beglücke.  
Hesch du Sorge, sing doch mit  
u scho wird di s'Leid nümme drücke.  
Drum wett i mis Liedli singe,  
wett chli Fröid i d'Härze bringe  
Drum wett i mis Liedli singe,  
wett chli Fröid i d'Härze bringe.

**'s git ou** schöns uf dere Wält,  
chum doch mit i will dir 's zeige.  
Häll steit d'Sunne übrem Fäld,  
gar so farbig blüeje d'Weide.  
Drum wett i mis Liedli singe,  
wett chli Fröid i d'Härze bringe.  
Drum wett i mis Liedli singe,  
wett chli Fröid i d'Härze bringe.